



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XXXV. S. Scriptura, licet non sola, est infallibilis fidei regula.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

vera est Christi Ecclesia, non verò illæ, quæ cum inimicis Christi olim damnatis conspirant.

CAPUT XXXIV.

Sola Ecclesia Romana habet infallibilem fidem regulam: sola proinde vera.

430 **C**onsecutio probatur: quia vera Christi Ecclesia infallibilem habere debet fidei suæ regulam, quâ controversias subnascentes dirimere possit. In vera quippe Christi Ecclesia omnia esse non possunt incerta, litibusque interminatis plena. At siue infallibili regula fidei, omnia sunt incerta, & plena litibus interminatis.

431 Sola verò Ecclesia Romana, non verò Lutherana, Calviniana, talem fidei suæ regulam exhibet possunt. Quod quidem de Lutherana, & Calviniana constat ex dictis cap. 32. Romana verò pro infallibili regula fidei habet tum Scripturam sacram, tum Christi & Apostolorum traditiones non scriptas, siveque pro regula fidei habet verbum Dei scriptum & non scriptum, verum ab adulterino discernens, per infallibilem visibilis Ecclesie, vel Capitis illius judicium, ut infra.

CAPUT XXXV.

S. Scriptura, licet non sola, est infallibilis fides regula.

§. I.

Scriptura sacra definitio.

432 **S**criptura sacra est verbum Dei scriptum. Verbum (inquam) Dei, non latè sumptum (quomodo conciones, seu pias instrunctiones vocamus verbum Dei, licet S. Scripturae verbis non exprimantur) sed strictè sumptum pro sermone à Spiritu sancto inspirato & dictato; non quoad substantiam dumtaxat, sed & quoad expressiones & verba; non quòd ista individualia verba, quæjam habemus, dictata fuerint isto idiomate, latīno scilicet, gallico, flandrico, &c. (alijs Biblia latīna, quam habemus, dici non debet Scriptura sacra, uti nec in gallicam, vel flandricam lingua transtulata: nec enim isto idiomate dictavit eam Spiritus sanctus, sed pro magna parte idiomate hebraico; pro altera parte greco) sed quòd textus originalis, eo modo scriptus fuerit à Scriptoribus sacris, quo dictatus fuit à Spiritu sancto. Unde sive Scriptura latine scripta sit, sive gallice, &c. dici debet Scriptura sacra, dummodò verba & expressiones ipsius correspontent, quoad significationem, verbis in textu originali expressis, ita ut per translationem in aliud idioma non solū expressus fuerit sensus primarius, seu

Toma II.

primo obvius, sed & vis seu energia verborum expressionumque idiomatis, in quo primitus scripta fuit, quantum fieri potuit in idiomate, in quod facta est translatio.

Neque enim vis est in sono vocis, sed in significatione & energia expressionum, quâ servatâ, Scriptura in aliud idioma translatâ, dicitur quidem Scriptura sacra; dependenter tamen ab idiomate, in quo fuit a Spiritu sancto dictata: ita ut, difficultate occurrente, ad textum originalem recurriri possit & debeat, ut videatur, nūm translatione per omnia correspondat expressioni originali. Magna proinde differentia est inter verba S. Scripturæ, & verba Conciliorum: tametsi enim Spiritus sanctus sic assistat Conciliis Generalibus, ut infallibles sint definitiones iporum, saluberrimaque decreta ad morum reformationem, & disciplinam ecclesiasticam spectantia; omnia tamen verba, quibus exprimuntur, dictata non censemur à Spiritu sancto.

Et hinc longè maiorem reverentiam (ob 432 majorem excellentiam) debemus verbis & expressionibus S. Scripturæ, quam Conciliorum (licet Conciliorum definitiones non minus infallibles sint, ut dixi) quòd enim Scripturæ sacrae expressiones dictatae fuerint à Spiritu sancto, Scriptura ista testatur 2. Tim. 3. *Omnis Scriptura divinitus inspirata utilis est, &c.* Et 2. Petr. 1. *Spiritu sancto inspirati, locuti sunt sancti Dei homines.* Testantur & Patres. Scripturam quippe à Spiritu sancto prolatam esse, expressio est Chrysostomi homil. 40. in Joan. à Spiritu sancto dictata, expressio Augustini in Psalm. 59. Testantur etiam Patres, sacros Scriptores fuisse velut calamis Spiritus sancti, iuxta illud: *Lingua mea calamus scriba velociter sribentis.* Ita S. Augustinus in Psal. 44. & Theodoreetus Prefat. in Psalmos. S. Ireneaus 1. 2. contra hæreses c. 47. probat, Scripturas esse profetas, ex eo quod à Verbo Dei, & à Spiritu ejus sint dicta. S. Gregorius Prefat. ad libros Moralium, agens de Authorib[us] libri Job 1. cap. 1. sic loquitur: *Quis haec scripsit, valde supervacue quaritur; cum tamens Author libri Spiritus sanctus fideliter credatur. Ipse igitur haec scripsit, qui haec scribenda dictavit; ille scripsit, qui & illius operis inspirator existit.* Et per scribentes rationem intenda ad nos ejus facta transmitit. Quod ista declarat similitudine: *Si magni cuiusdam viri epistolis suscepimus, legeremus verba, eaque que calamo scripta fuissent queremus; ridiculum profectum esset, si non epistolarum & Authorum scire, sensumque cognoscere, sed qualis calamo earum verba expressa fuerint, indagare studebemus.* Cum ergo rem cognoscimus, ejusque rei Spiritum sanctum Authorum tenemus, quando Scriptorem querimus, quid alius agimus, nisi legentes litteras de calamo perforutari?

Quod si Scriptura sacra sit à Spiritu san-

X

eo dictata, verbatim est suggerita: quod enim dicitur, non quomodo cumque, sed verbatim exprimendum scribenti suggeritur. Merito proinde SS. Patres Basilius homil. 7. in Hexaem. Chrysostomus homil. 8. 28. & 42. in Genet. &c. docent, ne verbum quidem, immo nec syllabam, nec apicem in sacris Scripturis otioiam, aut superfluam inveniri; ideoque tam ipsi, quam alii Patres, in excutiendis singulis Scripturæ verbis occupasse se inveniuntur, mysteria in illis latere non dubitantes, ex eo quod ea præ aliis Spiritus sanctus elegisset. S. Chrysostomus homil. 18. & 21. in Genet. dicit, nec syllabam, nec apicem esse in Literis sacris, in cujus profunda non sit grandis quispiam thesaurs. S. Basilius homil. 10. in Hexaem. intolerandam prorsus, & grandem blasphemiam esse dicit, si quis vel verbum afferat in Scripturis sacris inveniri otiosum. S. Hieronymus in cap. 4. epist. ad Ephes. ait, singulos sermones, syllabas, apices, puncta in divinis Scripturis plena esse sensibus. Et in Psal. 9. addit, singula verba Scripturarum singula esse sacramenta.

§. II.

Corollaria duo momentosa ex proximè dictis.

434 **P**rimum Corollarium est, quod Scripturae sacræ maxima debeatur reverentia, Deoque valde dispiceat implicitus contemptus ipsius, confitens in neglectu & fastidio ipsam legendi. Quia qui in eo culpabiles sunt, illo suo agendi modo innueruntur, parum utilem, vel necessariam esse lectionem illam; adeoque Spiritum sanctum parum utilis, vel necessariae Scripturae Authorem est. Quod alienum est à fide, sicut & ab infinita sapientia, bonitate, & charitate Spiritus sancti: dicit enim Apostolus 2. Tim. 3. *Omnis Scriptura divinitus inspirata, utilis est ad docendum, ad arguendum, ad corripiendum, ad erudiendum in iustitia, ut perfectus sit homo Dei, ad omne opus bonum instruatur.*

435 **Q**uid vero SS. Patres? Hieronymus in Psal. 147. ad illa verba: *Et adipe frumentis satiat te: Pinguisimus* (inquit) *sermo divinus est, omnes in se habens delicias: quidquid volueris, ex sermone divino nascitur, sicut eradum Iuda, quoniam manna, quod comedebant, secundum voluntatem unusquisque, sic sapiebat in ore.* Unde alibi cum aliis Patribus dicit, Scripturam facram eò reddi sapientem, & eò plures in ea veritates ac sensus reperiri, quod melior est voluntas, id est quod magis pia & humilis est anima ipsam legentis.

436 **R**ursum idem Hieronymus in Prolegomeno super Isaïam: *Si juxta Apostolum Paulum Christus Dei virtus est, & Dei sapientia; qui nescit Scripturas, nescit Dei virtutem, e-*

jusque sapientiam. Ignoratio Scripturarum, ignoratio Christi est. Necessestam lectionis Scripturæ fortioribus non posset terminis exprimere; non tolum respectivè ad Clericos (quibus major incumbit obligatio eam legendi) sed & respectivè ad omnes. Generaliter namque loquitur. Unde in epist. ad Demetriad. ipsiusmet mulieribus S. Scripturæ lectionem injungit: Unum illud tibi repetam, & prædicans sterum iterumque monebo, ne animum tuum sacra lectionis amore occupes. Et circa finem: Finem jungo principio, nec semel admonuisse contentus. Ama Scripturas sanctas, & amabit te sapientia. Dilige eam, & servabit te. Honora illam, & amplexabitur te. Ad alias quoque virgines scribens, ipsis mandat, ut etiam sapientia in die lectione te apllicant sacræ Scripturæ.

S. Ambrosius in Pial. 118. alloquens genitatem Christianos: *Arguit Chrysostomus qui unum lucernam (S. Scripturam intelligens) si non semper utatur. Namquam negligamus verbum Dei, ex quo nobis omnium origo virtutum est, univerorumque opum quidam processus. Hac lucerna accensa sit in omni verbo, & in omni opere. Et rursum: Habet verbum Dei epulas suas; alias fortiores, ut st. lex, & Evangelium; alias suauiores, ut sunt Psalmi, & Cantica Canischorum. Item: Ede Scripturam calcatum cibos; ede quotidie, ut non esuras.... Non perficie transeamus qua legimus, sed etiam cum abest Codex, tamquam anima munda, & ruminantia, de inversoribus nostris ruminandum nobis pabulum spirituale promamus.*

Chrysostomus homil. 2. in Matth. fortiter inculcat lectionem S. Scripturæ, ad solos non pertinere Monachos, sed ad fidèles omnes, etiam uxoratos: utpote quibus magis necessaria est, quam Monachis: *Qui enim (inquit) versantur in medio, & vulnera quaque accipiunt, magis indigen mediamne.... Non auatis Panum loquentem, quoniam ad correptionem nostram hec omnia scripta sum? Tu vero Evangelium, etiam illis (ut aiunt) manibus correctare daretur, ne attingere quidem cupias?.... Non contemnamus Scripturas audire divinas: haec enim dialectica inspirationis sunt, non sustinent nos aspicere iheraurum, ne divitias acquiramus. Concio vero 3. de Lazaro: *Eiiamsi (inquit) non intelligas illic recondita, tam ex ipsa lectione multa nascitur sanctimonia. Quamquam fieri non potest, ut omnia ex aequo ignorares: proprieatæ Spiritus gratis dispensavit illa, temperavisse, quo publicans, pescatores, tabernaculorum opifices, pastores, & Apolotti, idiota & illiterati, per hos libros salvi fuerint, ne quis idiorum ad hanc difficultatis confugere posset execrationem.**

Parimenter de lectione S. Scripturæ loquuntur reliqui Patres. Qui si tanto zelo S. Scripturæ lectionem commendant fideliibus omnibus; quantò magis Clericis, præ-

sertim Sacerdotibus, & maximè saluti proximorum incumbentibus? Qui proinde maiorem cæteris scientiam habere tenentur sacrarum Litterarum, spectantium ad salutem, & ad ea quæ officii sui sunt. Legunt ipsi quotidie in Horis suis sacros verificulos istos: *Bonum mibi lex oris tui, super millia auri & argenti. Quomodo dilexi legem tuam Domine? totâ die mediatio mea est. Quam dulcia fonsibus meis eloquua tua! super mel ori meo.* Sed quād pauci psallunt ista sapienter, id est cum sapida scientia, uti explicat S. Thomas? Et quomodo cum sapida scientia legunt, qui intelligere non sagunt ea quæ psallunt?

440 Secundum Corollarium est, quod à doctrina Spiritus sancti, & SS. Patrum remotissima sit assertio ista: *Ut liber aliquis sit Scriptura sacra, sufficit quod testimoniū divino confiteri, nihil falso in eo contineri.* Aliud est enim quod liber aliquis certissime, etiam certitudine divinæ revelationis, nihil continent falsi; aliud quod liber ille dictatus fuerit à Spiritu sancto, ita ut hoc titulo speciale reverentiam mereatur, mysteriaque contineant omnes apices & apiculi ipsius. Certissime, certitudine fidei, adeoque certitudine divinæ revelationis, nihil falsi continent definitiones Conciliorum Generalium, in materia fidei & morum: non sunt tamen Scriptura sacra, ut suprà vidimus.

§. III.

Duplex 8. Scriptura sensus.

441 **S**ensus S. Scripturæ est ille quem S. Scripturæ verba immediate, vel mediate significant, ex intentione Spiritus sancti eam dictantis. Duplex est, litteralis, & spirituallis, seu mysticus. *Litteralis* est ille, quem verba S. Scriptura immediate significant; ex intentione Spiritus sancti. *Mysticus*, quem ex eadem intentione solum mediate significant. Nam, ut alibi dixi, hoc proprium habet Scriptura sacra, quod non solum verba ipsius immediate significant aliquid, sed etiam, medianibus rebus immediate per ea significantis, ex intentione Spiritus sancti, res aliae significantur. Siquidem *uno eodemque sermone, dum Scriptura narrat gestum, prodit mysterium*, ait D. Gregorius 20. Moral. 21.

442 Quod & constat ex 1. Cor. 10. ubi post narrationem nonnullorum, quæ ad litteram facta sunt in veteri Testamento, subditur: *Hac autem in figura contingebant illis.* Et ad Galat. 4. narratæ historiæ duorum filiorum Abrahæ, subjungitur: *Quæ sunt per allegoriam dicta: hac enim sunt duo Testamenta.* Deinde Christus in Evangelio saepius explicavit sensum mysticum parabolæ suæ.

Tom. II.

Porrò sensus litteralis exprimi potest ver- 443
bis, tum propriè, tum impropriè, sive figuratè acceptis. Cùm ad ipsum sufficiat quod immediatè intentus sit à Spiritu sancto. Unde in verbis istis: *Vicit leo de tribu Juda, &c. victoria Christi litteraliter exprimitur, etiam vox leo solum impropriè, seu figuratè significet Christum. Similiter expressio ista: Ego sum vitis, vos palmitæ,*

litteraliter (etsi figuratè tantum) significat, quod Christus similem habeat connexionem nobiscum, quam vitis cum palmis; sive nos à Christo dependeamus, ut spirituale charitatis vinum proferamus, sicut palmes à vite, ut naturale vinum proferat. Litterali etiam sensu exprimitur scientia Dei respectu existentium, dum ipsi in Scriptura tribuantur oculi; sicut & potentia, dum ipsi brachium tribuitur, tametsi vox oculi & brachium Deo propriè non conveniat. Eo tamen non obstante Augustinus 1. 3. 444 de doctr. Christ. c. 10. & l. 9. de Genes. ad litt. c. 7. rectè monet, divinas Scripturas in sensu proprio accipiendas, dum nihil cogit eas figuratè accipere. Hoc enim ratio ipsa exigit; & alias vix unquam sciri posset sensus facræ Scripturæ. Nam si verba sacra in sensu figurato accipi possent, excludo sensu naturali & obvio, dum nihil cogit ea ad improprium deflectere, nihil probari posset ex ipsiusmet evidenterissimis divinæ Scripturæ expressionibus: utpote à quarum naturali & obvia significatione ad aliam plenè diversam & impropriam semper vel ferè semper deflectere fas esset.

Sensus mysticus, uti dixi to. 1. de Deo 445 dist. 1. q. 4. triplex distingui solet, allegoricus, anagogicus & moralis. *Allegoricus*, per ea quæ gesta sunt in veteri Testamento, significat ea quæ spectant ad Christum, vel Ecclesiam novi Testamenti. *Anagogicus*, per ea quæ litteraliter significantur, exprimit ea, quæ spectant ad vitam æternam, seu Ecclesiam triumphantem. *Moralis*, per ea quæ significantur in sensu litterali, exprimit ea quæ pertinent ad mores. Unde quadruplices S. Scripturæ sensus hisce versibus pulchre declaratur.

*Littera gesta docet: quid credas allegoria:
Moralis quid agas: quo tendas Anagogia.*

Ultra sensus istos datur aliis, qui dici- 446
tur *accommodatiis*, juxta quem alteri personæ, vel rei accommodamus ea, quæ Scriptura de aliqua re vel persona dicit, v.g. accommodamus Deiparæ Virgini, quæ Scriptura dicit de sapientia æterna, vel multis Sanctis accommodamus, ea quæ Eccl. 44. dicuntur de Patriarcha Noe: *Inventus est justus, & in tempore iracundia factus est reconciliatio.* Sed iste non est sensus S. Scripturæ, propriè loquendo: quia non est intentus à Spiritu sancto. Unde ab isto sensu ef-

X 2

ficaciter non arguitur ; uti nec à solo sensu mystico , nisi à Spiritu sancto intentum esse conset ex alio sacro textu , vel Ecclesiæ declaracione , vel Sanctorum traditione , prout Theologi monent cum S. Thoma . Ex solo ergo sensu litterali ordinariè efficaciter arguitur ; quem sensum , etiam proprium , in una littera posse esse multiplicem , loco proximè relato a . 2. demonstravimus .

§ 4.

Rationes , cur Deus voluerit S. Scripturam diversis in locis esse obscuram .

447 **O**bcuritatem illam negant haeretici ; sed proprio convincuntur experimen-
to , dum urgentur ut sensum afferant v. g.
istiū loci , melior est iniquitas viri , quam ma-
lier bene faciens . Et unde inter Lutheranos
& Calvinianos tanta in explicandis Bibiliis
diversitas , si Biblia in omnibus tam lucida
sint ? Et quid est quod ipsimet summi viri ,
Augustinus , Hieronymus , Chrysostomus ,
cum omni diligentia sui , tantam in iis in-
telligendis difficultatem experti sunt , ut Au-
gustinus epist. 119. fateatur , in Scripturis
sacris se multò plura nescire quam scire ? Et
S. Hieronymus in c. 7. Eccles. dicit quod
vir , qui eruditus fuerit in Scriptura , quanò
plura scire coepit , tanto ei in his quotidie ori-
tur major obscuritas . Epistolā quoque ad Al-
gasiam q. 8. omnis epistola ad Romanos nimiis
obscuritatibus involuta est . Et nunquid Petrus
Apostolorum Princeps de Pauli epistolis
agens 2. Pet. 3. dicit , in iis contineat quedam
difficultia intellectu , quia indotti & infatibiles de-
pravani (id est detorquent , ut est in Græ-
co) ad suam ipsorum perditionem ?

448 Rationes plurimæ à sanctis Doctoribus
afferuntur , propter quas Spiritus sanctus
non voluit in sacris Litteris omnia esse a-
perta , omnesque sensus illius omnibus in-
noteſcere . Prima est quod sicut genus hu-
manum , ob peccatum primi hominis , con-
demnatum est secundum corpus , ut cum
fudore vultū corporali pane vesceretur ; ita
& secundum animam , ut pane spirituali
non vesceretur sine difficultate ; quæ cæte-
ris paribus tanto major est , quanto magis
divinam condemnationem provocat reitera-
tio & multiplicatio peccatorum . Et hinc
est quod magni peccatores non percipiunt
ea quæ Dei sunt ; econtrà justi & humiles ,
qui se in tenebris jacentes , justissimeque
damnatos recognoscunt , mirabilem divinæ
Scripturæ profunditatem tanto magis intel-
ligant , quanto justiores & humiliores sunt ,
juxta illud Psal. 18. Testimonium Domini fi-
dele , sapientiam praefans parvulis . Declaratio
sermonum tuorum illuminat , & intellectum dat
parvulis . Et Matth. 11. Confiteor tibi Pater ...
quia abscondisti hoc à sapientibus , & revelasti ea
parvulis .

Secunda ratio est , ut lectionis fructus , 449
per istam obscuritatem correspondeat oratio-
ni , & rectitudini cordis : si enim omnia
clara essent , & omnibus obvia , ab omnibus
bonis & malis , diligentibus & desidio-
sis , æqualiter perciperentur . Ubi econtrà
obscuritas facit , ut cæteris paribus , illi plus
in Scripturis sacris intelligent , qui pie vi-
entes , magis piè ipsam legunt , & pro ip-
suis intelligentia magis orant . Quia Deus ,
qui per Scripturam loquitur , illuminat rélos
corde . Et beati mundo corde , quia ipsi Deum
videbunt , & quæ Dei sunt intelligent . Et
pulsantibus per orationem datur sapientia &
intelligentia Scripturarum .

Tertia ratio est , qui per istam obscuri- 450
tatem fit ut divina mysteria salubriter occul-
tentur infidelibus ea alioqui irrisuris , & san-
ctum non detur canibus .

Quarta ratio est , ut reprimatur superbia
hominis , omnia statim comprehendere vo-
lentis , fastidiumque impeditur , quod de
obviorum & facilium lectione facile conci-
pitur . Unde Augustinus l. 2. de doctr.
Christ. c. 6. de Scripturæ obscuritate di-
cit : Hoc totum provisum divinitus esse non du-
bito ad edandam labore superbiam , & in-
tellectum à fastidio revocandum , cui facile in-
vestigata plerumque visilescent Qui prorsus
non inveniunt quod querunt , fame laborant : qui
autem non querunt , qui in promptu habent , fa-
stidio sapientescunt . In utroque autem languor
cavendum est . Magnificè igitur & salubriter
Spiritus sanctus ita Scripturas sanctas modifi-
cat , ut locis apertioribus fami occurreret , ob-
curioribus autem fastidia detergeret .

Quinta ratio est , ut obscuriorum intelli- 451
gentia , multo labore comparata , magis dul-
cescat . Quia dulciora bona , quæ difficilè ,
quam quæ facile comparata : cùmque diffi-
cilius intelligentiam sine multa investiga-
tione non asequimur , desideramus arden-
tiū , ut asequamur , & desideratam asequi-
muri jucundius , ut Augustinus dicit in l.
contra mendac. c. 10.

§. V.

Regula sexdecim pro lectione & intelligentia
sacra Scriptura .

REgula I. est ista : Nemo prudentia sua 452
innixus , in rebus fidei & morum ad edi-
ficationem doctrina Christianæ peritentium , S.
Scripturam ad suos sensus contorquens , contra
eum sensum , quem tenuit & tenet S. Mater
Ecclesia aut contra unanimem consensum
Patrum , ipsam interpretari audeat . Verba sunt
Concilii Tridentini sess. 4. non solùm contra
haereticos , qui Ecclesiæ definitiones , &
sanctorum Patrum interpretationes parvi-
pendunt , sed & contra plures alios , qui
Scripturam sacram ad sensum liberioribus
opinionibus suis faventem interpretari au-

- dent, parum attendentes consensum sanctorum Patrum in contrarium.
- 453 Regula II. S. Scriptura legenda est mundo & humili corde, cumque spiritu orationis, ad obtinendam ipsius intelligentiam: non quod lectio illius prohibita sit existentibus in statu peccati: cum & ipsiusad conversionem utilis esse queat lectio, pie & humiliter facta; sed quod (ut Augustinus ait l. de oper. Monach. c. 17.) certum sit iam citius quemquam proficere, cum bona legit, quam otius facit quod legi. Et quia scriptum est: *Qui diligunt Dominum, replebuntur lege ipsius.* Eccli. 2.
- 454 Regula III. Legens Scripturam, esse non debet de numero eorum, qui in ea non tam discere amant veritatem, quam invenire aliquid favens praeconceptae opinioni suae, sed considerare, quod in Scriptura S. Deum audiat loquentem; cui dignum & justum est, ut subjiciat intellectum, & omnem sensum suum.
- Regula IV. Legere eam debet animo proficiendi ex sacra lectione illa, & non solo animo excellendi, captando ex ea quae utilia videntur ad disputandum, vel aliis concionandum.
- 455 Regula V. Scriptura accipienda est in sensu proprio & obvio, nisi aliquid cogat accipere in impropio & figurato, prout ex Augustino diximus n. 444. Hanc regulam si lecuti fuerint Calvinistae, non errassent in capitali puncto fidei, figuratae accipientes verba ista: *Hoc est corpus meum.*
- 456 Regula VI. Sententiae obscuriores expounderentur per clariores. Hanc si servarent Pelagiiani, non errassent circa intelligentiam istius oraculi sacri: *Hominis est preparare animam; Dei autem est gubernare lignam: liber arbitrio, non gratiae tribuendo anima preparationem, quam aliæ clariores sententiae Scripturæ, verbis perspicuis gratia tribuunt: Non est volentis, neque currentis, sed misericordis Dei; Deus operatur in nobis velle & perficere. Quis te discernit? quid habes quod non accipisti? Non sumus sufficientes cogitare aliquid ex nobis, quasi à nobis; sed omnis sufficiencia nostra ex Deo est.*
- 457 Regula VII. Est illa Augustini serm. 18. de verb. Dom. in Evang. secundum Matth. c. 20. Attende ad facta Sanctorum (quæ scilicet ab ipsis passim frequentata leguntur; non autem ad facta miranda potius quam imitanda) ne forte nostra videatur interpretatio. *Quomodo hec verba intellexerunt Sancti, sic utique intelligenda sunt.* Quia facta ipsorum in moralibus sunt optimus sacrorum verborum interpres.
- 458 Regula VIII. Pro intelligentia sacrorum textuum, concernientium veritates fidei contra haereticos, precipue recurrentum ad explicationes datas à Patribus, qui pro Ecclesia, contra haereses illas suo tempore natas, certaverunt, v. g. ad explicationes S. Athanasi contra Arianos; S. Cyrilli Alexandrinii contra Nestorianos; S. Augustini contra Pelagianos: consulendo potissimum libros, quos contra haereses illas ex professo scripserunt, v. g. Athanasius ad probandam divinitatem Filii Dei; Cyrilus ad probandam unitatem personæ in Christo; Augustinus ad probandam necessitatem, & efficaciam gratiae, &c. Quia Deus est, qui ipsos specialemente suscitavit pro defensione veritatum illarum; specialiter proinde eum in finem illuminavit. Aliunde etiam adversantium contradictione ipsos magis sedulos, attentos, & cautos reddidit ad investigandas, & contra haereticos defendendas S. Scriptura veritates.
- Regula IX. Scriptura sacra, referens a- 459 liquid ab aliquo dictum, non semper illud referit verbatim, prout dictum est, sed aliquando quoad substantiam dumtaxat. Pater ex verbis S. Joannis Baptiste, Christo se humiliter postponens, quæ à S. Matthæo c. 3. 11. & à S. Marco c. 1. 7. referuntur. Iste namque duo Evangelistæ in iis referendis convenient quoad substantiam, non quoad expressiones.
- Regula X. Spiritus sanctus in sacris 460 Scripturis spiritualia docet per corporalia, sicut & invisibilia per visibilia. Ita S. Hilarius, & S. Gregorius variis in locis. Contra regulam istam peccantes, imitatores sunt Iudeorum, qui Messiam sibi promissi magnificientiam & regnum intellexerunt de regno & magnificientia hujus mundi. Et ideo Jesum, tot signis & portentis demonstrantem se verum illorum Messiam, non cognoverunt, nec receperunt.
- Regula XI. Nonnulla Deus in Scriptu- 461 ris sacris facere dicitur, non quia in se facit, sed quia in nobis facit ut faciamus. Est regula S. Augustini l. 4. de Genes. ad litt. c. 9. dicentis: *Recte dicitur Deus facere, quidquid ipso in nobis operante facimus.... sicut dicitur Deus cognoscere, cum efficit ut cognoscamus. Neque enim Deus temporaliter cognoscit, quod ante non noverat; & tamen dicit ad Abraham: " Nunc cognovi quod times Deum: " ubi quid alius accipimus, nisi nunc feci ut cognosceretur? His locutionum modis, cum ea que non accident Deo, tamquam illi accident, loquimur, cum facere agnoscimus ut nobis accident Et hoc locutionis genere modo arbitrio dictum illud ab Apostolo: " Nolite contrastare Spiritum sanctum. " Item: " Spiritus sanctus interpellat pro nobis gemitis inenarrabilibus. " Quia scilicet Sanctos facit interpellare.*
- Regula XII. Dum Scriptura dubitanter 462 loquitur, vel Deum ut interrogantem inducit, non hoc ex Dei ignorantia vel dubitatione, sed ex aliqua significatione descendit. Ita S. Augustinus l. contra mendac. c. 14. & S. Gregorius homil. 9. super Ezech. Duæ verò potissimum significations im-

C A P U T XXXVI.

Ostenditur, solam Scripturam sacram non esse infallibilem fidei regulam; sed etiam traditionem esse talem.

Hæretici, ut cap. 33. videntur, credere 466
nolunt nisi verbo Dei scripto. Sed ex dictis ibidem constat, ipos credere debere etiam verbo Dei non scripto, sed sola traditione ad nos derivato.

Primo, quia verbo scripto credere non possunt, nisi credant, hanc vel illam Scripturam esse verè divinam, adeoque verum, & non suppositum verbum Dei. Hoc autem nullibi Scriptura dicit. Et quamvis Scriptura afficeret, se esse divinam, sine Ecclesiæ traditione certò non confaret esse talem; sicut etiam in Alcorano Mahometi sàpè afferatur, Alcoranum cœlitùs à Deo missum, non ideo ut talem recipimus.

2º. Nec Scriptura exprimit Canonem sa- 470
crorum librorum. Quem tamen credere debent, sive hos libros, non illos esse divinos, ut certam habeant fidei suæ regulam.

3º. Plurima alia nobiscum, tamquam fideli articulos credunt, de quibus nihil Scriptura decernit; ut quod baptismus parvorum valeat; quod baptizari ab haëreticis non sint rebaptizandi; quod Spiritus sanctus à Patre, Filioque procedat; quod rectè colamus diem Dominicam loco Sabbathi, &c.

4º. Traditiones ultra Scripturam reci- 471
piendas Scriptura testatur 2. Thesal. 2. Ia-
que, fratres, tenete traditiones, quas acce-
pistis, sive per sermonem, sive per epistolam. Hic
pater (inquit Chrysostomus ad eum Apol-
coli locum) quod non omnia per epistolam Apo-
stoli traxiderunt, sed multa etiam sine litteris.
Eadem verò fide digna sunt, tam ista, quam illa.

5º. Eadem cum Chrysostomo unanimis 472
est, de traditionibus ultra Scripturam reci-
piendis, sententia reliquorum Patrum. Si-
quidem Dionysius Areopagita Eccles. Hier-
arch. c. 1. Primi (inquit) illi sacerdotalis
muneris Daces, summa illa, & substantialia
partim scriptis, partim non scriptis inserviun-
tibus nobis traxiderunt. Basilius Magnus lib.
de Spir. fanc. c. 29. Dogmata que in Ecclesia
servantur ac prædicantur, partim ex conscripta
doctrina habentur, partim ex Apostolorum tra-
ditione in mysterio ad nos delata. Quæ nra-
que eandem ad pietatem vim habent, & nemo
hinc contradicit, qui vel mediocrem saltem ju-
rium Ecclesiasticorum experientiam habet. Cy-
prianus lib. 2. epist. 3. Admonitus nos scitis,
ut in calice offerendo Dominica traditio ser-
vantur, nempe ut mixtus aqua offeratur. Quæ de
re nihil Scriptura dicit. Hieronymus epist.
ad Marcellam: Nos unam Quadragesimam
ex Apostolica traditione, tempore nobis con-
gruo jejunamus. Augustinus epist. 118. Il-

portari solent, dum agitur de dubitatione. Prima est libertas arbitrii (inquit Hieronymus) per istam dubitationem indicata, v.g. dum Genef. 2. Deus narratur exprimere causam expulsionis Adam è Paradiso terrestri, ne forte mittat manum suam, &c. Sciebat quippe certissime Deus quid facturus esset Adam, si in Paradiso mansisset. Secunda, est difficultas in re obtainenda, exempli gratiâ, dum 2. Reg. 16. David fugiens Abiälone, jussit ut parceretur Semei ipsi maledicenti, his verbis: *Dammitte eum us maledicat, iuxta praeceptum Domini: si for- tè respiciat Dominus afflictionem meam, & reddat mihi bonum pro maledictione hac ho- dierna.*

463 Interrogat autem aliquando Deus, ut instruat, vel ut confessionem eliciat; ut Gen. 2. *Adam ubi es?* aliquando, ut significet se ea, de quibus interrogat, nescire scientiâ approbationis, vel alios ob fines, qui ex circumstantiis colligi possunt.

464 Regula XIII. *Pax in Scripturis tanum nosse dicitur quem pro suo agnoscat.* Verba sunt Augustini in Psal. 2. & 1erm. 70. de temp. Et hoc sensu virginibus factus dicit: *nescio vos*, scientiâ utique, seu noriâ approbationis.

465 Regula XIV. *Soles Scriptura, sub eadem persona, loqui de Christo, & etiam de Ecclesia, qua est corpus ejus,* (verba sunt ejusdem l. 3. de doctr. Christ. c. 3.) *mihi & de dia- bolo & membris ejus.*

466 Regula XV. Per recapitulationem multa in S. Litteris posterius narrantur, quæ prius facta sunt (quod Græci fieri dicunt per histeron proteron) S. Augustinus l. de doctr. Christ. c.

467 Regula XVI. *Sancti Propheta, qui optare videntur alicui mala, potius prædicta solūm pre- dicunt.* Augustinus in Psal. 78. Sic in Psal- mis, & Prophetiis primâ fronte videntur ex zelo vindictæ his vel illis optare mala; cùm tamen revera solūm ea futura propheticæ spiritu prædictant. Aliquando tamen nihil vetat, quin aliquibus locis dicantur etiam temporalia quædam mala optare, ob finem bonum, malis illis præponderantem.

§. VI.

Ex dictis ostenditur S. Scripturam infallibilem esse fidei regulam.

468 **M**anifestè (inquam) id ostenditur ex definitione ipsius: *Scriptura sacra est verbum Dei scriptum*, ita ut quod Scriptura sacra dicit, Deus per eam dicat. Atqui Deum, in omnibus quæ dicit, infallibilem esse, fides demonstrat, & ratio clamat.